



常齋集序



文章之工拙繫乎人時命之通塞存乎天天人之適相合也為甚難是以古今負文章之名者未必得貴仕而都公卿之位者又未必以文章顯也故吏部員外郎常齋先生朱公建炎紹興間詩聲滿天下一時名公鉅卿交口稱薦詞人墨

客傳寫諷誦如不及予少時學詩
嘗以作詩之要扣公公不以輩晚
遇我而許從游間宿于閩部憲臺
從事官舍之東軒夜對榻語蟬聯
不休比晨起則積雨初霽西風淒
然公曰為予舉簡齋開門知有兩
老樹半身濕及常蘇州諸生時列
坐共愛風滿林之句且言古之詩

人貴衝口直致蓋與彭澤把菊秉
籬下悠然見南山同一闕袂三入
者出處窮達雖不同誦此詩則可
見其人之蕭散清遠此殆太史公
所謂難與俗人言者予時心開神
會自是始知為詩之趣別去未幾
而公下世予既為詩以哭公曰求
其遺編伏而讀之愛其詩高遠而

幽潔其文溫婉而典裁至表疏書
奏又皆中於理而切事情迺喟然
嘆曰公之於詩文可謂至矣今世
能言之士非不多也然淺則及僅
華則少實是無他徒從事於末而
不知其本之過也公少小喜讀書
綴文冠而擢第未嘗一日捨筆硯
年二十七入聞河南二程先生之

遺論皆先賢未發之奧始捐舊習
朝夕從事於其間既久而所得益
深故發於詩文自然臻此非有意
於求其工也使其得通顯於朝廷
施諸潤色而見於事業必有天過
絕人者不幸位不媿德雖兩入東
觀三為尚書即卒不得以其所長
發舒又不得年而沒天人之難各

也如此可不夫息也哉雖然人定亦能勝天故公之嗣子今南康太守熹能紹公之訓早踐世科而益莫志于伊洛之學安貧守道深山窮谷之中者三十餘年

明天子用寵嘉之即其家拜二千石君懇辭不獲命強起視郡事逾年而政成訟簡一旦走介二千里書

抵予曰熹先人遺文江西遂將刊行而未有序引冠篇首先友盡矣不孤之惠誠有望於門下敢以為請予覽書悚然追思東軒之集恍如隔世而緒言歷歷猶在公墓之木既拱而予蒼頰白髮摧然其亦老矣憶歲月之不留慄餘年其無幾為之感慨不寐者通夕而病憊

廢書筆力衰退文不逮意獨念自
少至老遊南康父子間為最久相
知為最深得其父子之賢為悉故
不敢以不能為辭若夫公之詩文
自足以行後而傳遠豈待區區之
鄙言顧予蚤歲承誨迨老無所成
迺得挂名集端以託不朽其愧且
幸為何如哉公名松字喬年常春

蓋自號云

淳熙七年夏四月既望河陽傅自得序

韋齋集十二卷宋吏部員外郎
安朱公喬年之詩文也河內傳安
道為之序云公嗣子南康太守刻
諸江西性江西人也而未如見之
蓋其版本已矣旌德新學告成之
明年性遣校官袁祥求書新安時
吳郡干文傳守婺源廬陵曹汝舟

為之賓佐性日寓書婺源曰朱文
公之書在天下所謂家傳而人誦
之矣獨常齋集四方罕見婺源文
公故里也必有藏此書者其為我
購求之汝舟以書來報曰千侯之
治婺源也文公故宅在其先墓之
為豪右所奪者侯皆取而歸諸朱

氏矣仍俾遠孫之居建安曰勲者
來掌祠事勲以常齋集為侯獻侯問
子之求書也亟以相授子其有以
廣侯之意乎性受書嘆曰侯以州
政家江東至於脩復朱子祠宇墳
墓則非弘吏之所能為者而為之
者惟侯能也而又不鄙我旌德之

人亡幸惠茲文性不佞敢不承命
乃為繕寫刻之學宮竊惟孔孟之
道至程子而復明至朱子而大明
夫人有一行之善一藝之美未嘗
不本於父兄師友者而况於道有
以參天地之運學者以紹前聖之
統者乎程太中能知周子故二程

之學繼孟氏常齋弘友延年故朱
子之學繼程氏則常齋之書學若
可不學乎竊窺韋齋篤志於伊洛
之學其視游揚羅李孰敢議乎先
後若文詞字畫又於荆公蘇黃皆
取法焉豈不以學之大者既推原
探本而極其端矣至於曲藝小伎

亦莫不各有理而盡其心焉不專
一門而惟是之蒞也文公集羣儒
之大成紹周程之正統而於熙寧元
祐諸公之是非得失則未嘗有所
偏主焉豈亦本於家學而然歟記
曰三王之祭川也先河而後海或
源也或委也此之謂矣故書于篇

目之末以就正於婺源云侯字壽
道延祐初進士高第累歷州縣所
至有風績汝舟字德川以諸生推
擇為吏多性同郡相好也至元三
年丁丑五月五日沒學廬陵劉性
謹書

常齋集目錄

卷一

古詩

卷二

古詩

卷三

古詩

卷四

律詩

卷五

律詩

卷六

絕句

卷七

奏議

卷八

策策問

卷九

書

卷十

序記題跋

卷十一

表疏啓

卷十二

行狀墓誌銘祭文

玉瀾集附

詩歌

常齋集卷之一



新安朱松喬年撰

古詩

睢陽謁雙廟

幽陵胡羯殘中原列城束手天子奔天留巨孽毒梁
宋賊壘環堞如雲屯凶波滔天不可遏塞以束薪何
足論力憑孤墉阻其怒不爾荐食無黎元堂堂許張
勇且仁指揮羸卒氣愈振上書行在論賊勢想見憤
色吞妖氛人間貧賤容力避只有一死由來均二公
就此得處所至今日月名爭新遺祠突兀岸清洛英

氣凜冽橫穹旻尚聞餘蔭福茲上天假威柄酬忠勤
布衣尚懸千古淚肉食宜鑒當年因焚香再拜三歎
息九原可作從斯人

謁普照塔

孤塔驚霄漢晴影金碧眩重來得寓目歸枕尾殘汴
緬懷何姓人哀禱傾淮甸是身如皎月有水着處現
彈指遍大千何止數鄉縣惟應應緣地聊亦共流轉
顛危悔靳馬善涉悟覓扇君看悔與悟只在一轉眄
至人獨何心示此禍福變當知夙緣定莫作邪道見
哀哉衆生愚積惡稔天譴云何一朝急賴此香火薦

我來適燈夕寶蠟明邃殿還指客塵眼重睹浮壇面
朝來塔上鈴告我風色便平淮一回首岸草失葱蒨

曉過吳縣

舟行有嚴程越國常曉發雙櫓兀殘夢起坐窺落月
人家岸野水霧雨籠邃闥遙憐瑣窻人歌枕聽甌軋
陪餘杭張無隅先生飲

先生結屋在人境門巷蕭蕭作冰冷紛紛入眼不入
意坐客千言不相領叩關聞我倒屣迎重解舊榻塵
埃生向來妙處久不吐一挽天漢崑崙傾共說別來
經世事我言所向皆兒戲曾中隗磊不用澆便有清

愁說無地士林師範六十翁先生合在伯仲中願言
終賜指歸處爲公敬作曾南豐

於潛道中

山行厭葦確理策扶歌危綠野三兩家一息知可期
冉冉晴林端炊煙裊晴暉其民豐且樂恐是太古遺
那知都邑間百索困鞭笞繁華今何有半作道旁羸
度芙蓉嶺

幽泉端爲誰放溜雜琴筑山深春未老泛泛浪蘂馥
娟娟菖蒲花可玩不可觸靈根盤翠崖老作蛇蚓蹙
褰裳踏下流濯此塵土足何當餌香節淨洗心眼肉

餘功到方書萬卷不再讀晚歲窮名山靈苗縱穿斲

葛蒲服之通神
之天聰明傳記

信州禪月臺上

玉峯點寥廓霄漢疑可梯玉水環城陰灑灑方拍隄
層臺擅二美吾策一時携何當蠟吾屐更欲照以犀
塵勞不相赦竟類窮途迷我生麋鹿亦不羨駕輅驪
向來丘壑讓語發人所詆長安黑頭公玉勒朝金闥
山林出戲言廣已無端倪誰收遮日手歸把耕雨犁
紛紛塵土中等是舞甕鷄頗聞山水間幽子飯藿藜
行當踐此語絕境同攀躋

送深師住妙香寺元住雲溪

道人捨幽居誰管溪上雲此身自雲耳遑暇南北分
頭聞妙香山天花雨繽紛宴坐丈室間歷亂舊衲紋
山前路悠悠山後水汶汶應觀川途客念我奔走勤
豈無香火緣他年往相群飽食跛鐺飯稀摘幽澗芹
當令桃花臺白社掩前薰

坐睡

坐久睡屢兀手失未了書清風脫然至心醒得我娛
起看孤隙光了不移錙銖云何短夢中萬境生須臾
嗟彼市朝子百巧營其軀安知非夢役過眼滅無餘

至人無逆觀那與世賢愚不須無言子同上崑崙墟

遊山光寺

寺藏兩山腹路轉百步陰登高試病脚掬冷清煩襟
敗壁龕石刻歲月不可尋唯應查公石俛仰閱古今
屋古因枝柱摧頽力難任何當咄嗟辦嗣彼鍾梵音
興衰豈關吾得酒且滿斟歸路有溪月攬之醒吾心

送建州徐生

人羈天地間誰非一浮萍泛然偶相值便有離合情
君家武夷下歸路塵眼明我生愛山者夢寐秀色橫
秋風送客去把手更心傾亦逢山中人爲我寄此聲

贈覺師

覺師儒門秀脫屣世故早那知軒冕味夙悟心已槁
至餘章句習心境時相惱如人生於齊而即楚鄉老
雖遭楚人哂微音或清好固無益生死亦未妨至道
家山亦何有翫麟衣間窠叢林選佛場一擲想盆倒
云何戀故君俛仰待華皓他年空手歸子語吾爲老
三分曹溪水萬劫付一澡

休亭村落間有奇石如彈子渦所出者宜養
石菖蒲程德藻許以餽我以詩督之

君家綠溪上岸曲溪成渦渦間石無數水感相蕩磨
誰嘗掬而戲一一印指螺我欲往取之擁此菖蒲窠
石罌注新汲幽姿發清哦夫子許餉我往督書已多
願言速寄與起此泉石痾

效淵明

人生本無事况我麋鹿姿一墮世網中永與林壑辭
此行獨何事豈不爲寒饑弱歲慕古人頗覺世好卑
那知齒髮邁終然此心遠春風到山澤魚鳥亦知時
吾行何日休流目瞻長岐且用陶翁言一觴聊可揮

酬馮退翁見示之什

我家大江左江水日夜東遙瞻發源處迺在西南窮

相望邈異境正北一水通故令我與子迹遠心自同
我生寡所諧強顏紅塵中倦飛矯歸翮饑吟咽寒蛩
獨欣得吾子萬慮一笑空時時出秀句醒我如風松
當知山澤臞不鄙犀角豐彈冠實伊始此生各飛蓬
卜隣固未必卽事聊從容

戲答胡汝能

我生苦中狹與世柄鑿乖平生素心人耿耿不滿懷
汝能伯始後遊世如嬰孩相逢握手語便作墳麓諧
時時笑謂我如子患未涯執古以規今求合誠難哉
涉世幸未遠子車尚可回我介足怨忌君通絕嫌猜

不見山巨源雍容居鼎台不見嵇中散絕交自可哀
賢愚心自了短韻共一吟

謁吳公路許借論衡復留一日戲作

幽獨不自得駕言款齋廬殷勤主人情投轄恐回車
轄亦不須投此去將焉如唯憂酒錢盡使我詩腸枯
會合曾幾何可復自作踈更當留一夕帳中撥異書

新秋

幽人無與娛耳冷百不聞新米熟未知但覺市酒醇
滄洲散秋色山水逾清新一醉不忍獨念我存故人

道中得雨

我行野田間吁嗟連數村千山收宿雨谿作黃梅渾
漸看風葉底一洗龜折痕餘功被行客稍壓旱塵昏

道中

驕陽又自殺一雨蕩龜拆田夫夢亦好翻隴已幽咽
朝來喜相語一飽心已決翻翻風葉亂孑孑露芒白
去年未欲秀積潦滿秋澤今年豈堪早束手就溝壑
我生拙謀口藜藿甘如蜜向來真過計憂民豈吾職
赤子天可憐嗟人獨何力何須事兒戲合杏來賀客
稍欣新稻熟杜酒行可覓當同扶路翁醉歸舞南陌

陳伯辨爲張氏求醉賓軒詩

前年谿上秋風時主人酒熟烹黃雞歸來醉倒睡便
着父老喚起牛羊蹊此生一醉寧易得未辨身爲貴
人客征西將軍爾何人那用尊前驚墮幘蜀來聞越
再經秋聞道軒名涎已流懸知得酒推不去此客有
轄何須投今我正爲奔走役空想題詩滿高壁若逢
落魄姓回人爲問何時定相覓

書窻對月

天公自厭雨一夕開寒晴霜風淨曠野洪落有餘聲
鷺鴉得林靜霽月縈窻生熨開睡眠色一洗空花橫
故人千里餘壺濁誰與傾遙知勸影盃共此通夕情

今冬有奇事三見非玉英明年谿上路誰餉雨中耕
宿野人家

夢裏滄波搖一葉覺來正受肩輿兀人家一宿晚可
投新席槁梧香更滑霜前權程收百畝稚子新能牧
鷺鴨我生本是箇中人挾策久矣猶能說

度石棟嶺

我行欲安適束馬踰山樊谷深不可瞬危磴爭獠猿
坡坳兩山間寂歷三家村茅簷青裙婦蓬髮薪烟昏
敲冷那可飲分我一掬温郎樵晚未歸客至不與言
不奉沙頭卮肯投柳下門作詩配國風行者式其藩

用退之韻賦新霽

春泥窘幽步苔上履痕少新晴一褰衣綠葉藏啼鳥
方塘灑宿漲古鏡窺清曉華顛忽自笑綵羽墮驚矯
瞻言雲中耕縹緲穹脊繞歸把東臯犁此念何日了

送金確然歸弋陽

昔我雲溪居送子雲溪濱重來問何時笑指谿上雲
一別四周星坐此世故紛衰顏兩非昔華髮粲可耘
我纏風樹悲終日無一欣子乃水菽憂尚此奔走勤
對牀語未終懸知便離分霜風吹客袂別意如絲棼
子歸葛陂上去路接鄉枌歸夢尚隨子何當歎離群

至節日齊州會詹士元

嗟予身百憂佳節過倥傯客愁隨綫增歸思與灰動
當年從子日未覺百慮重高堂遶牀呼一擲有餘勇
那知客天涯相對寒骨聳歲月曾幾何髮絲今種種
恐饑山藥煮附煖地爐擁深箴斷還往衰病脫拜拱
興言望鄉關雲物方鬱滯空餘相屬意盃酒久不捧
用前韻答翁子靜

吾心既岑寂節物亦倥傯幽籬菊初暗深壑梅已動
古人傲尺璧顧謂寸陰重欲從夫子遊掣肘愧不勇
松高節磊砢鶴老格清聳當知山澤臞誰羨將相種

一官戲人間叢書以自擁微言開緒餘三歎手輒拱
青天本寥廓小受雲霧瀆願言瞻清明若益不辭捧

微雨

端居身百憂况乃貧病俱天公頗相哀雨我蔬藥區
曉晴新青勻日薄生意蘇衛生固未必一飽行可圖
故園天一涯茅荆誰爲鋤崢嶸歲云晚此念當何如

寄題叔父池亭

一壑久藏勝數椽忽開亭方塘蔭瓦影淨見魴鯉行
主人有嘉招轉柁失高城不知幾搖兀杙舟上崢嶸
尊酒酌芳渌園蔬煮柔青翩翩射鴨弓一笑翻綵翎

那知海陬姪斗粟忘歸耕餘生信萍梗歸夢識林垞
漲水有回波故鄉豈無情一醉會有日因之濯塵纓
贈謝彥翔建安人九歲異人與藥至今不食
建安有梅子真升仙處

我本世味薄寸田足自營年來荆棘盡稍有黎棗萌
但恐骨相凡未敢希長生陳留達人後未盡犀角盈
舊遊記三山幽夢徹九清余來三十年但覺膏粱腥
幽尋飯綠髓默卧誦黃庭顧我塵土中深慰夙心傾
仙人吳門卒解后煩寄聲相期朝金闕鶴馭何時征
考亭陳國器以家釀餉吾友人卓民表民表

以飲予香味色皆清絕不可名狀因為製名
曰武夷仙露仍賦一首

二年飲水閩中村忽見玉醴傾蠻尊涓涓醍醐灌熱
惱耿耿沈灑明朝暎早塵久漲城市暗渴夢欲挽江
湖吞何人遠致雙鯉信知我來扣羅雀門不須邀月
已清絕尚恐熨齒當微温要從華池汲真液豈獨玄
鬢薶愁根微芒已識投轄客斌媚似返當壚魂奇功
誰續伯倫頌妙意要與淵明論胷中我自有涇渭筆
下君已傾崑崙詩成寄與約他日飲君與我空瓶盆
久旱新歲乃雨

高田土可麓下田不受犁遺蝗憂插咏况乃麥未齊
赤子天自憐溝壑忍見擠雨逐新歲來停雲忽淒淒
莫辨三日霖爲作一尺泥汪汪既沒膝灑灑仍拍隄
漸看蓑笠出笑語喧吟哇我欲與寓目父老同攀躋
此身群萬生擾擾舞甕雞曾亦無幾求脫粟配羹藜
永言故隴耕老眼路淒迷好收斂版手鋤耨歸自携
春日與卓民表陳國器步出北郊

灼灼桃吐華濯濯柳垂縷芳菲挽人出春力乃如許
嗟予閉門客佳節過不數不因可人呼那得幽步舉
客如山陰勝詩作斜川語誰言一尊酒妙處合千古

歸來讀殘書耿耿霜月苦空餘流落心三歎非吾土

蔬飯

蕨拳嬰兒手筭解穉龍蛻薦羞杞菊開采斲烟雨外
嗟予飯藜藿咽塞舟泝瀨朝來二美兼一飽良已泰
克腸我誠足染指客應慨平生食肉相蕭瑟何足賴
王郎催牛炙韓老憶鯨膾俠氣信雄夸戲語亦狡獪
我師魯顏子陋巷翳蓬艾執瓢不可從一取清泉酌

戲贈吳知伯

條侯得劇孟吳楚坐可馘我知無能爲失此一敵國
偉哉奇男子俠氣橫八極書生復何者翫麟老筆墨

刺口論安危事往竟何益匹夫嘯空野驚塵一方塞
區區空有意浩蕩洗鋒鏑何如吳王孫語輒面浮赤
交游得朱亥負販鄙膠鬲腰間鉄絲箭上鉄紫塞翻
笑指蛇豕區滅此而後食諸公未備知欲薦恨無力
明日我過君烹牛呼社客當書游俠傳令子姓名白

送僧

空中世界紛河沙不知底處爲天涯乾坤百億在指
掌觸處與子同一家云何猶作去來想千里一跌毫
釐差坐令契闊費星紀嶺雲欲寄山川遐撥眉相對
此何日丈室淨掃餘天花詩豪辨舌久投閣萬竅寂
歷風無譁爲君遊戲出三昧妙處那復相聱牙往將
妙響應空谷一任飛錫凌蒼霞

招民表

清眠有味日方永襦襪妨人推不省疾草尺書招故
人一水未濟豈非命此身何啻千金直天下未可兩
臂等垂堂之戒其敢忘晚識風波失前猛天憐我輩
少如意曉起屋梁飛倒景側身烏行溪上路遙知倚
筇喚烟解信眉相對真夢寐豈不惜此一笑傾莫談
世事令舌強快讀新詩頻首肯與君好惡真磁鐵失
足塵途若爲騁北窻風月夜吞吐持此邀君共幽屏

淨洗多生內熱塵更有僧廬千尺井

秋懷十首

一

秋風來幾日我髮白已多千林了未覺奈此一葉何
宴坐關流光一眄寄庭柯寒蟲獨何者唧唧夜自歌

二

塵埃地上臣天闕無力補夜叉呵九關嘗膽真自苦
寄牋東南風儻得蜚廉許尚當求妙斲君氏無乃魯

三

蒹葭西窻下蕭艾病其根白露墮隨秋夕美惡兩不存

寂寂芳畹空離離幽佩昏物各信所遭此意誰與論

四

月林踈愈明露草淨可拭飛飛螢遙照軋軋蟲自織
移燈檢書讀千載如經夕微言契夙心妙解失陳迹
文章事雕琢回視真兒劇世無揚子雲此理誰見直

五

宴坐自觀我中深抱天機從知月勝火膏失兔與蹄
大虛同一如浮雲渺何依悠然淵明心千載與我期

六

林臯一葉脫靜士最先知自我抱茲獨悠然星氣馳

乾坤一逆旅鼎鼎竟何爲
枯榮俯仰中兒輩浪自悲
青雲渺難必白髮不可辭
得飽良已泰雨畦瓜芋肥

七

了翁卧淮楚德望臨一世
憂時九迴腸醫國三折臂
四海一滔滔揚湯不止沸
斯人倘可起姚宋何足繼

八

反身聖可作自恕惡易盈
昨非往莫諫今是來足程
幽人歲晚栗樹者夷跣并
慨然釋七歎諒知負平生

九

耳菊卧風雨枯荷暗池塘
達人聽榮悴志士費感傷

亭亭岩桂花已作宮槐黃
諒無青霞客誰與媚孤芳

十

江海有一士補衮抱經緯
帝衣日月明袖手久不試
九閔隔雲雨誰肯借一臂
絃急而調卑此歎同萬世

和謝綽中觀瀾亭

方塘灑宿漲曲澗來飛湍
光涵鬱藍天瀕洞碧玉寬
小亭塵土外瓦影浮朱欄
霜渚寫秋色烟林養漁竿
佳人欽霞衣皎皎明月冠
欲濯且無塵隱几得妙觀
海若駭河伯等在蝸角端
那知坳堂上盃水生濤瀾
雲間謝公子五字冰雪寒
展讀勝圖畫經行記林巒

九垓未暇遊據殼諒匪安一到定何日眷焉抱長歎
寄題陳國器容膝齋

淵明乃畸人遊戲於塵寰南窗歸徙倚宇宙容膝間
豈不念斗米折腰諒匪安是非無今昨飛倦會須還
國器青雲姿逸志追孔鸞曲肱數椽底尚友千載前
規模琴書室料理松菊緣心遊萬物表了覺函丈寬
念君方適越昔至誰云然要知丘壑志本出軒裳先
瑣闥麗宸居追飛不云艱回車莫待遠泉石聞此言
約金確然不至

門前北風裂我襦知君未能出僧廬忍看烟雨凍梅
膚南枝北枝香欲無可無一杯相煖熟道人酒熟不
用沽區區濡沫浪辛苦安得共似江湖魚

確然雪中見過

雨斷雪將墮天低雲可攀誰穿東郭履來款山陰關
故人金公子身窶心甚閑道機久純熟世味飽險難
一杯不可緩輒此雙脚頑未忘膜外境忽湧曾中山
白眼槩六合誰云書生孱萬類宅天壤細觀真市闌
攫金掩醉眼倚門眩朱顏哀哉兒女態今古可笑訕
坐令一世豪偃蹇棲茅管先生談天舌久挂屋壁間
置之且默坐觀我無所還紛紛造物機顛倒轉惡毒

於我何所歎莫歎筆瓢慳

坐令一冊身則瘦對卷曾未主猶天古又卦氣空

白如藥六合雜云書出再萬聯字天寒曉歸真市

一林不匹餘群出雙响斷未忘艱林竟感

常齋集卷之一

用古詞調語未窮辛苦安身共沙

即雨林此外香燈無下無一林

常齋集卷之二

新安朱松喬年

古詩

書僧房

陸續流泉自成句來擁紅爐聽山雨道人更有深深

處詰曲如珠蟻絲度几研無塵寒欲霧雕盤篆破孤

螢吐味如嚼蠟那禁咀茶甘未回君莫去

題蘆鴈屏

征鴻坐何事天遣南北飛蕭然如旅人無情自相依

孤葦吹欲折秋風不勝感冥冥一孤鶩空費弋者機

寒聲落烟渚相應不我違嗟我識此情手納空歎歎
安知丹青師落筆迺庶幾畫形孰不工畫意識者稀
他時因吾句購此千金揮

題臨賦軒

蒼山圍岑寂下有一水奔閉戶卧風雨束蒿翳籬藩
寥哉祇樹人心遠忘世喧此身自遠廬長物餘此軒
鳥語幽夢斷香橫經帙翻未成借路行自要窺潺湲
遠師淵明意不愧靈徹魂月度了無迹風行偶成痕
心境兩清妙尺喙何由吞賦詩安所取碧雲未足論
何當拂朱絲窈眇絃吾言

答伴安江師送米

不見道人久天涯歲云除朝來食指動忽接送米書
念師折脚鐺五合未省餘雖無覆餗禍尚有乞食逋
云何憐孤客日受飢火驅未曾貸監河矧肯索胡奴
誰言斗升意矯矯超萬夫嗟予事筆耕輕棄南畝鋤
恩煩方外客此計良已踈何時事粗了歸葺五畝居
生涯寄緯竹豈即非良圖不爲泉壤蚓願學江湖魚

陳德瑞饋新茶

空山冥冥雲霧窻春風好夢歌殘缸朝來果得故人
信微凸而么犀鈿雙貴人爭買百瓔珞此心兒女久

已降坐觀市井起攘袂念之使我心紛靡領君此意
九鼎重雖有筆力安能扛何時來施三昧手慰我渴
夢思長江

次韻希旦喜雨

驕陽挾酷暑何啻虎而翼高田土可麓况廼耕與殖
風伯真可訟雲合吹復拆那知下土民糟粕配橡實
古佛棲巖隈旱沴豈吾責應緣賢令尹閔雨丐法力
積陰暝山谷流潤淒几格朝來賀客散置酒浣愁疾
古詩成雲外險句動潛蟄旋看蓑笠出競喜溝澮溢
謹言令與佛念我一何悉嗟我困蒿藜最覺民可恤

何當問牛喘免使訴魚失九關虎豹守懷此欲安適
誰哉此心同吾飽將何日

古風二首寄汪明道

紫蘭初茁芽深壑終自秀翫麟蕭艾中不采則誰咎
兒曹逐紛華壯士保窮陋應知此調同萬世無先後
又

俗士白人眼從誰明此心不欲故人見訶我車徹深
蕭然江上廬客卧詩書林得句不相寄誰賞氣駸駸

建安道中

吾生意行初不謀泛泛何啻波中鷗携家來作閩海

夢三年客食天南陬我先人廬在何許大江之左道
阻脩奉新家有手足愛隻身歸掃先梧楸旋當來此
營斗粟南北顛倒無時休此心轉與世事左自作磨
蠹將誰尤安知不滿達者笑窮達一戲如觀優咄哉
吾語亦已墮且與造物同浮遊

書事呈元聲如愚起莘三兄

隱吏朱墨暇飽眠北窻風時呼方外客避暑尊酒中
寂寞杜拾遺四壁口不供坐取盤飧疑哀哉豈天窮
何如平生友磁鐵間不容每懷千里駕今作五斗逢
吏行散鳧鷖楸局收鸞龍共話十年舊事往如飛蓬

浮榮真一戲何者爲窮通應須河漢語爭洗芬華曾
僕夫適在門客醉尊亦空更爲後日約及此芙蓉紅

寄題起莘家義軒

貞觀盛德後餘慶未渠央舊聞閩海家欲縱燕山芳
教子嗣先訓開軒翼中堂地偏市朝遠几淨書簡香
先生陳太丘飭糜百憂忘弟子真羯胡不聞觸屏僵
一變豪俠窟遂成鄒魯鄉下車里門外他年看諸郎
坐上紆素髮詵詵立冠裳我詩自可絃請以侑壺觴

梅花

山深春未動沙淺水欲冰玉梅於此時靚粧畧無朋

露藥欲的樂月枝挂鬢鬢儼如江漢女可愛不可陵
他年江南路曉粧犯嚴凝尋香烟雨中橫斜插茱萸
却數今幾日癡如秋後蠅北嶺枝欲空誰與扶一登
聊分窺水影依我照字燈坐使惜花夢臨風脚騰騰
昔如夢中蝶今學桑下僧了知菩提長念起吾何曾
十一月十九日與仲猷大年綽中美中飲於

南臺

空山欲雪雲冥冥玉梅半開吾眼青此身垂欲走塵
土聊復舉酒看崢嶸折腰向人不知耻故園可鋤在
千里金昆石友一開眉珍重道人相料理楚江東岸

先人廬竹君安否久無書歸歟何時應白首我食吾
言如此酒

春社齋禁連雨不止賦呈夢得

歲豐農猶飢歲惡何可說哀哉半菽氓罪歲同一舌
年時旱塵漲臘盡不見雪青皇忽雨我萬頃麥苗活
令尹民父母溝壑思手挈祈年後齋居有酒不忍設
那知桃李徑狼籍香泥滑芳意一如此坐恐及鷓鴣
郊原佇開晴出勞南畝饁秋成已在眼一醉宇宙豁
更呼前裙人勸北側帽客和公斜川詩磨石鏡歲月
次韻夢得見示長篇

雉馴不因媒鳩暖自呼婦詩成桃李陰知是霹靂手
簿書我亦厭丘壑渠自有却憐支離疏飽食得新想
俗夫嘗世味甘苦半噦嘔知公超然處心跡兩無垢
愁陰老芳物蟲鳥故相誘浪蕊費收拾柔條可結揉
豈無我輩人一醉開笑口那知市門底客倦枕兩肘
眼高可人稀命蹇亨運偶平生願執鞭見謂予小友
細觀愷悌心宜在帝左右却來塵埃中寂寞對五柳
鷺音箴鵠羽正待荆雞剖學政容窺譜問字當載酒
虛名翻誤夢恐坐箕與斗言詩終不稱永愧賦瓊玖
次入蘇
久雨短句呈夢得

身閑書有味吏傲俗不親小窻據物表掃盡心眼塵
令尹垂珠玉敲門喚行春作意向芳物吾車曾未巾
愁陰入病骨鳩婦聲亦嗔冥冥三日雨桃李迹已陳
空餘深枝間一一青子新穠芳殿春晚猶堪慰佳辰
醪醖曉妝靚芍藥醉臉勻日萼替嫋嫋風危倒鄰鄰
言當呼短舞抵掌回雙顰年來得相從稍覺安沈淪
豈不掛俗事察公極清真眼中醉鄉路風味良獨醇
流光不容玩尺璧何足珍瀟俗益可厭願言勤問津

牡丹醪醖各一首呈周宰

珍藂壓朝露無人羞欲歆春風醉香骨綽約不自持誰

憐曲肱人一笑遣穠姿不言意可了君醉當勿疑
妝淡洗逾靚肌香薰不成皎然月露姿一笑午景晴聊
移夢蝶牀相對戶不扃誰令風雨暴睡起春縱橫

次韻夢得淺紅芍藥長句

十日愁陰病不出卧看春歸無計惜詩翁遣送淮海
春衰眼髮開雲霧拆胭脂注臉勻未遍肉紅借酒生
真色了知造物着意深傾倒春工不餘力年來不顧
溱洧女載酒非公復安適且將妙句寫餘妍欲立佳
名付精識一春頗困歌酒汗回首紛華三太息願言
乞與洗心方歸對爐香誦周易

宿禪寂院

夢中一葉搖江湖困睡不覺身蓋輿眼明佛屋麗丹
碧瓦鳩鵲鳳凌空虛疲民日者困苛索半作頰尾相
濡魚鵜鵠數罟兩不置肯念竭澤明年無道人誰與
辦此事斤琢千指開渠頗疑如幻三昧力上方手攬
歸吾廬了知舌本法輪轉咄嗟檀施爭奔輸不辭割
愛一念善誰謂歲惡窮民愚書生袖手對溝壑力不
能援心煩紆事無大小成者少談說治亂何區區調
卑絃急誠齟齬鑿圓枘方尤闊踈古今罪歲同一口
撫掌一笑皆愚儒

詩約范直夫遊萬葉寺觀瀑泉

萬侯隱下吏夙尚本立園身投攫金市藪書以自藩
炯然如孤月不受黃流渾要知句律工競病何足論
我生群未俗涇渭非一源同心無楚越傾蓋如弟昆
人生各有役不暇捧一尊風蒲掛南浦念欲東南奔
對牀定何夕青燈照晤言懸知知詩處千尺銀河翻

次韻夢得見示之什

居楚求齊音美惡不同土喧逐俗物華群復有佳處
時從玉璧人商畧窮萬古詩如粟牛戲誤得摩頂許
望道渺逾遠久生真暫寓忍持尺璧陰空作秋蟲語

微言儻傾倒河漢灑肺腑向來說詩口自此行可杜

送甌寧魏生赴武舉

生後與金虜戰有功戰於耶

建安少年請纓客橫槊賦詩兩無敵辭家去作入彀
英氣拂天狼夜無迹廟堂尺箠鞭羗胡智名勇功付
壯夫引弓沒羽世自有敢聞上策當何如

陳仲仁止止堂

以我有限景逐彼無涯知失足踐畏途投身試危機
舟車日奔覆定無立與夷萬古踐此轍嗟我與誰歸
仲仁古靜者懷璧照褐衣名途嘗一戲回首羞前非
心如得坎水不受狂風吹功名憂不免當復定所之

請觀本無作今復止者誰築堂市門側著書園不窺
蓬藿深一丈圖書周四圍時有好事人載酒問所疑
攫金奮敏手倚市誇妍姿回光時自照何者非吾師

送志宏西上

九州眼一槩餘子真瑣瑣嶽立培塿中喜此高岷峨
如公我輩人取友亦到我揮毫賦垂天風雨卷蓬顆
相期八表遊未覺夙心左解龜醉江閣酒面山月墮
起瞻帝鄉雲感歎不成坐何須飛霞佩自辦凌風舸
瀛州渺溟渤萬里一掀簸緘詩寄天涯秉燭對新火
那知市門仙斗祿事么麼空餘馮九迴上流何日果

有懷舍弟逢年時歸婺源以詩督之

木落天未霜君歸定何時相思如鷺鷥白鷺未安枝
夢中見阿連鏘然詠新詩寤驚衰葉翻是步驟移
攬衣下中庭風露浩森瀾遙知客衣薄歸來一何遲
平生短檠燈相對忽解願萬古一舒卷在茲
是中及物心上與稷契期援古以自列自
夜义叱九關側足不敢窺坐令一寸心日
逢君商畧此蛩得兒輩嗤况乃綠髮鏡
稀膏非鳳喙車轄無可脂再拜壽百分衣舞
秋芳未云歇采采黃金蕤萬鍾不足樂古人豈

九月十七日夜度蔡道嶺宿石勒院

月出度松嶺露香非羽衣蕭蕭夜氣清
川光浴秋容蘿影挂夕輝冰輪碾空闊
擬掬星渚波恐觸天孫機倥佯何時見
未應青霞志即與素願違稍休塵外軫
清吟寫萬籟妙想絕百非不須河漢言
飛仙亦戲劇玄學乃庶幾鰲山切丹桂
歲晚行將歸

遊鄭圃

城郭不去眼而得林壑娛低回撫壯心
鏗然一枝筇細磴爭樵浦挽衣徑與秋
不省誰為吾

女貧苦難妍

女貧苦難妍士貧苦難高了知論此者不識一世豪
此身百斛鼎流俗欲手操寧當捨其中局促計所遭
頗疑有若人骯髒棲蓬蒿考槃一丘壑光景不可韜
斯人不我忘空復踰垣逃軒裳亦云華唾去如腥臊
哀哉夸毗子擾擾冠猿猴恬無濟世心悶默死滔滔
竭來事斗祿俛仰身桔槔一官戲人間幾何非餐餐
誰言春此憤擲去輕秋毫區區欲驕士一哭嗟兒曹

谿南梅花

嶢嶢石逕鳴枯筇意行詰曲無西東心知幽壑梅已

動一枝寄我曾未蒙暗香橫路忽驚顧冰蕊的皜變
烟中有如佳人久去眼邂逅相得情何窮疏畦壓霜
翠羽亂已覺雪片棲手茸嗟吾辜此來已晚攀條嚼
蕊聊從容玉仙遊戲下塵世絕艷一洗朱鉛空不知
閨苑在何許叱回風馭無忽忽溪寒沙淨迷俯仰坐
待山月來朦朧豈無尊酒相煖熱錦裘起舞如驚鴻
仇池老仙羽化久妙曲三疊餘仙風歸時醉倒不知
成一作和明日來此誰能同

再和求首座

道人昔曳羗廬筇五老負雪溢江東犯寒貪覓玉梅

句雖有衲被何曾蒙歸來苦雨熟梅子卷械深卧蠻
烟中詩傳絕境忽入手置我鄉國情何窮十年不踏
江上路漠漠海氣昏貂茸異鄉歲晚慰流落一笑賴
此冰雪容嶠南絕唱誰敢和騎鯨人去塵寰空崑墟
下視堪笑閔雕琢肝腎愁忽忽那知幽子雲雨上風
斤玉斧修腫臃讀詩今我一回首杳若目送孤飛鴻
何時晤語折鐺側坐聽萬籟號天風拈花特地兩顏
解他時與子真參同

奉酬令德寄示長句

閑官屋舍如幽棲寒苦餘業償益藿忽聞鵲聲作破

竹尺書入手誰所齎交游勝絕似公少矯矯鸞孔依
蒿藜青冥側足在咫尺誰使狡獪捐其梯秋風溪上
共樽酒擺落羈束忘畛畦紅裳起舞意未足缺月銜
嶺星河低只今跌宕走塵土清夢往復無山谿新詩
驚怪爛盈幅筆力拗怒蟠虹霓遙知槃礴小窻底得
喪已著一理齊此生同困造物戲未覺與世誰雲泥
雖無絕唱追白雪賴有妙契如靈犀一笑從公豈無
日挽袖相屬空玻璃不須俗物敗真賞但覓佳處同
攀躋

答林康民見和梅花詩

寒崦人家碧谿尾一樹江梅卧清曉孤姿不受凡
那汗風歛天香瘴烟裏向來休沐偶無事誰從我遊
三子彎碕曲逕一携手凍雀驚飛龍莫委班荆勸春
小延佇酌酒賦詩相料理多情入骨憐風味依倚橫
斜嚼冰蕊至今清夢掛殘月強作短歌傳素齒韻高
常恨句難稱賴有君詩清且美夫淫歲晚感物歸
歟何時路千里枕樓一笛雪漫天回首江皋淚如洗
上丁餘膳置酒招綽中德菜德慈連年
我生無幾求畢願老葭莢誰令事斗極飯糲羹不
書生亦可憐微物有先感朝采食糟動嗜肉豈啜

恭惟魯司寇道大長坎壈空餘桐子載不載陳蔡係
永言百世師願學吾豈敢當勉不忘耿飢飽復何復
安能如王孫長物貯願領急呼謀肆人一醉捨鉛槧
相携桃李徑歷亂蹴紅毡言強三及噫氣送一身騰
平生超然處獨嗜逾昌歆詩成持似君莫遣見輩覽
用綽中韻送正臣正臣欲歸隱而無資故廣
其意以告識者云爾

華裾錦領烏紗幘氣蓋當年五陵俠骨中隱處不可
平拂衣歸來抱長鋏軒然寄傲秋枰間長報坐隱非
雲山相逢笑我春微粟我歸未可君何難世人豈作
牛吼音誰能立談壽千金空令擁鼻誦招隱知君心
在仙峯陰故山自欲無歸期作詩但擬淵明詞却愁
他日林下信千里寄我唯當歸

秋懷六首

一
庭柯一葉失風挾涼氣歸湛湛陂水青芙蓉脫紅衣
非無岑寂士句法妙玄暉獨懷履霜戒德人貴知微

二

真儒六經學文字聊解紛長孺棄諸侯漢庭相公孫
兒口乳未乾妄作黑白分誰能領斯會事往風中雲

三

導江自岷山源淺觴可濫下集大小川千丈水府暗
策策井桐源回回窻月淡後生抱竒志黃墨勤點勘

四

市朝富危機匹夫死憑何何如狎鷗子烟雨同一波
行藏各有趣不在相詆訶我師陋巷人千古冠四科

五

穿堵超玉繩影倒夜窻寂火雲一洗空月露清欲滴
幽人負病卧起坐三歎息歸同對牀弟晤語永佳夕

六

揜窻耿不寐道人亦無悰故山新稻香粳色粳枯桐
夢中信了了推枕聞西風少遲釋金壯歸尋爽于后
逢年與德粲同之溫陵謁大智禪師嘗作四

小詩送之

丈室揜槐夏與君同卧病平生莫逆人裹飯誰見邊
躡躡起鑑井萬古寂不波觀心要知是造物如吾河

又

六年別故山松竹故無恙此身已天涯飄走復何向
清源老醫師矻僕出投杖勿辭一往勤挹彼上池液

又

石梁跨壑山永與方壺久憑君持一盃往醜齊川系
遙知相携處溟渤浸箕斗作詩問大鈞猶有斯人否

又

山河我四大物我同一體誰為苦疾癢搔按不容擬
多生抱此念耿耿未云已那知知魚樂更有濠梁子
與陳彥時會華嚴道人偶書

屋頭烟雲屯屋下波濤喧團欒坐已久起扣丹霞門
客至苦舌強目擊翻無言元龍湖海士懷哉夙契敦
清坐鼎足峙妙語流潺湲君遊華嚴海貝葉手自翻
此心於身世鳥度空無痕笑我流浪中久披業識吞

讀書談古今綺語生禍根望道渺未見况廼躡其藩
職卑困掣肘見溺不得援未知造物心頗復哀黎元
近窺顏稷意未敢遽拚關躬耕亦細事會要五畝園
釋羈牛在牧駕鼓馬伏轅居然見優劣不比魚熊蹯
持問跣趺人一笑霜眉掀相携妙峯頂暝色窺遠村
解衣畧輩行班坐奉芳蓀欲歸意未已幽徑相與捫
蒼崖出玉醴不受瘴毒温願言同酌此我語庶不謾

書拊欄院壁

側身西來度千山列仙仙去空孱顏斗升自役應笑
我何苦語曲嬉塵寰歸耕無田仕難合疑此二柄首

鼠間摩挲崖石三歎息我心安得如汝頑

次志宏韻督成壽置酒

歸耕食吾言回首愧江水方爭楊子席誰置穆生醴
鄧侯傾蓋舊小寢藝桃李走書納唱我涎迸齧唇齒
朝來獨何事怒色劇染指雖微射鴻遊顧有捩手鬼
平生談天口得酒便鋒起年來病不觴但要謳貼耳
真成畫蛇足足就酒空矣樊川吐怨句想見紫雲美
何時咄嗟辦一醉吾亦擬嚙香聽群兒口實爭笑鄙

內弟程十四復亨歸省用綽中作二章送之

舅家今三世筆耕未逢秋後生抱竒志肯為蘼藍留

先廬江遶城歸路柳暗洲勉哉倘有立離闊何足憂

又

讀書學經綸及壯吾已晚譬如抱宿舂求適萬里遠
留君商畧此歸袖不可挽流光莫控搏力學副深慊

常齋集卷之二

高齋集卷之三

新安朱松齋

古詩

三月十日遊報國院小軒頗幽勝為名曰
清仍書此詩

千峯收宿雨坐見空翠滴携筇出城隅試此腰
竹陰穿窈窕僧戶扣岑寂小軒清越底磐礴聊
鬪然見幽禽百轉深拔隙即此與晤歌絕勝
齒懷曾冰結屢顛不可釋忽如散春風回首
天遊失六鑿真觀了千息乾
指馬空

不知雙清老何者為心迹持阿羅漢人首肯復面壁
山烟明欲合歸舸兀深碧此心除溪月何何誰覆識

次韻謝綽中遊報國寺詩

掩關味詩書青簡亦已槁相携出東城及此風雨好
僧蒼覆谿淥共取一尊倒眷此松桂陰不接車馬道
慙慙玩流光齒髮行且老諸公莫九鼎帝室欣再造
優遊客我輩於浪事幽討念君東山姿文字富天藻
風期在經綸彈冠苦不早寧知如子雲白首太玄草

丁未春懷舍弟時在京師

狂虜送死河南北王事遙憐等行役胡命須臾魚在

鼎官軍低回驚將擊渴聞天語十行礼尤覺家書萬
金直何時同秉江上犁萬里農桑吾願畢

五言雜興七首

側席憂宗周負病頭岑岑又傳衢梁盜弄兵保山林
渴聞平虜詔蟄戶跋雷音欲舞恨袖短諸君獨何心

古詩卷二

黃香卧講肆日蕪五畝園兒誦聲九雜木厭咽耳喧
古來避世士或隱車馬門云何北窻底默默對幽篔

聖門出嵩岱領畧千兵岑久矣暖姝于蠶魚弼書林
曾參一准後曠古沈此音願君同鑽仰滿我初地心

四

丹白春事了灌木忽暗園卷書護岑寂幽鳥時一喧
起携無事酒往扣常關門豈無素心人之子不可護

五

讀書評世故自許了無猜忽然撫機會往往鑿柄乘
時難既可歎道大未易涯歸來卧看屋吾意亦悠哉

六

湛湛天宇清宛死穹脊白投深得僧意千嶂倚蒼壁

七

開卷與晤言炷香伴岑寂獨將萬里心收斂入尋尺
身輕客已去睡美體新浴南風吹好句歷歷韻松竹
雖云天耳聽擬以幽夢續不辨舉似人恨汝心眼肉

遊西峯院留別友人

兀兀掩關坐后土冑泥塗繁陰忽披猖懷哉歎離居
看我一三子共此一日娛欣然忘華陋意行非始圖
畫竹粉黏帶弄泉雲遶裾共睹羊山棋不釣溫水魚
野色一以暝歸舟相與擊豈無軟脚酒新熟不用沽
急景棄尺璧中原瞻丘墟丈夫患不免低回竟何如

安能逐兇輩飛翔爭腐餘但憂着鞭子滯留嘲賈胡
欽梅花下贈客

憶梳梅花與君別終年夢掛南臺月天涯谿上一尊
酒依舊風巵舞香雪高情絕艷兩無言玉笛冰灘自
幽咽却憐造物太多事更要和鼎調人舌浮生蹤跡
風花裏鼠壤珠宮孰優劣且當醉倒此花前猶勝相
思寄愁絕

次韻和吳駿卿

學道日已媮干時心同嬾同懷能幾人俛仰風雨散
晚得吳王孫抱釁戰高翰由來清廟質不賦白石爛

笑我塵土中坐受微粟絆新詩中音會天律度絃管
未能載酒問但作焚硯歎况聞翻貝葉一悟了真幻
文章迺兒劇安用黑白判何時商畧此得酒不待勸
求道人自允溪來三山出示同徐侯遊龍門
洞長篇因次其韻濟之時以檄走諸隘

阿游陸沈久亦復太癡絕未成安一枝况乃辦三穴
唯餘愛山意如水必東折首鼠今幾年顧影愧瓊瑛
那知龍門客塵底抱關闌虛簷日偃仰蒼壁對橫塼
柱藤危蹬響濯足細泉潔束薪取竒觀滴乳當嘉設
摩挲石蜿蜒信矣耆舊說歛疑卷風雨凜若踐冰雪

遠追神清遊復作武陵別能詩有老休聯句媿前哲
相逢快吟哦疊々霏鋸屑三山今入手瀛海僅可啜
崎嶇走林谷王事煩此傑擬結汗漫期更待揆搶滅
吳駿卿寄示和黃元廣詩多及古人為已之
學輒復次韻資一大笑兼簡元廣

四物覓安心駕言無停驅忽然休歇去本自一物無
那於前後際而有新故吾知津恨未達敢以偷自愚

君居泥自蔽隣客旅兩足詩成各超然不復念瓶粟
應憐市門客俯仰對流俗出言不嫵媚人瞋大於屋

又

我生非瓠瓜於世豈無情望道渺未見諒知負平生
將求恻恻獲奈何鹵莽耕饑壤聽造物吾願乃秋成

次韻鄧天啓遊南園

秋犬吠夷門誰能拊其背懷安壯士羞竊食替操耒
無由一當虜鬱々嚼齒碎故人何自來適與芳時對
笑我塵土中勃窣守闕闔城南出携手遠取韓孟配
心期汗漫遊目極沃寥內舞雩追點也峴首畧湛輦
豫愁君興闌復遣我心憤歸來疑夢斷清境皎不昧
哦君斜川詩汲井沃枯肺願言薦清廟勿賦風雨晦

徐侯以詩送山藥次韻

山中白玉延貴壓梁宋價筠蓋出輪困了不煩造化
因傳競病句中的若神射頗念坐穩人鞍馬久不跨
谿橋梅欲動玉雪短枝亞何當全嚼蕊一醉山月下

次韻酬求道人

聽君話匡廬風月妙無價鑪峯忽在前俛仰疑幻化
新詩未出袖光怪炯如射懸知得力處臯可不足跨
家山為誰留鑿粥香糲亞我亦懷秋江波清鴻鴈下
求道人示詩粲然有江湖間道人風味蓋嘗
得句法於東溪可今以其韻作詩送之時將

如瑞峯期朝夕還吉祥云

瀨可溢江濱覓句負光價君為東溪客伏鵠資妙化
想見箭鋒機相拄不停射伽陀入三昧湯史欲凌跨
常齋語清夜挂月松偃亞他年約相逢禪榻慎勿下

贈永和西堂道人宣和癸卯十有二月中秋

日

蒼山抱岑寂丈室掩虛白道人塵機斷宇宙一西壁
是心如焦穀浩劫永枯寂一句從誰聞投老承此力
相逢不相問未省誰主客咄去真俗人胡為來役役
彥時過永和見和拙句輒復次韻以發一笑

老諗不下牀，宵次紛黑白。彌明亦強項，得句斲負壁。
相逢復何事，一笑萬慮寂。新詩追舊韻，俯仰見筆力。
何時折鐺傍鼎坐，無主客區區。竟何補斗粟，真自役
甲辰七月二日宿永和寺用舊詩韻
湛湛天宇清，宛宛穹脊白。投深得僧窻，千嶂倚蒼壁。
開卷與晤言，炷香伴岑寂。了無魔嬈夢，皎皎知道力。
鳴珂綠槐影，想見下朝客。笑我守吳門，心形等相役。

寄陳陷元

我生少所可，靡靡世一律。如君素心人，指不三四屈。
父與宵人遊，歸卧常自失。效尤起媮心，阿意增美疾。

低回強酬酢，高論形敢出。緬懷叅同子，蚤入伊洛室。
聞道既先我，論詩又竒崛。縱橫談天口，卓犖扛鼎筆。
勝我何足云，論交敢自必。桓公肯見規，寡過行有日。
書來約過從，一笑彼蕭瑟。新涼宜燈火，永夜勘書帙。
豈無一尊酒，少促軟語膝。更呼小叢歌，未怕官長詰。
跂予占騎氣，千嶺秋回鬱。着鞭及清境，灑灑月華溢。

次韻張漕茶山喜雨

天公積憤何曾雪，遑恤茶工貪攬擷。無聊桃李困暎
暗，白鳶紅飛亂擲。誰疏天漢下穹窿，苦厭風霾昏喘
嶮。行臺使者掃雲手，醜酒叢祠拜靈筮。歸來一雨動

三日溝壑遺民起垂絕。豈唯槍旗各呈露。更喜筍蕨
爭芽茁。明朝擊鼓萬指集。雲蹬携簾穿曲折。紅塵一
騎天容開。顧渚蒙山坐。必如歇帝觴。嘗罷思苦口。公如
子牟心。魏闕金鑿諫舌。公生塵。回首山中記同啜。

沙谿口望梨山

衆山如連環。平野忽呀口。孤峯插深雲。氣壓萬培塿。
區區何足傑。落落終自負。我行清谿曲。爲立倚筇屐。
拂衣竟何時。塵土坐自厚。長梯弄玉井。竒字窺峭嶮。
心知不能去。照水顏甲厚。永懷山中人。獨立誰與友。
神交解此意。長嘯震林阜。

寄仁王求首座

片帆西借東風力。回首三山春一色。何人孤嘯月中
聞。知是無塵岩上客。風山武夷之宗支。千岩萬壑帝
所規。天憐傲吏賜我履。恨不與子相諧嬉。問法年未
定。成市藤蔓遙知胃。衣袂手攀荔子約。同嘗露華
間啄殘柿。

汪彥允見和約遊東山作荔枝次韻

天工傾倒不餘力。唯有荔枝香味色。君家桃李要爭
妍。腸斷鬢絲禪榻客。書生甕蘗天所支。煮茗誇誇幾
長規。腹飢眼寒君不忍。着詩喚作東山嬉。冰壺豈

光熙市歸乘香滿巫陽袂明日人傳玉蕊仙
賦青龍神

正戈堂

高堂巖巖面勢尊洞見萬井開重門元戎務簡玉
靜緩帶酌客娛朝昏憶初餞隸起篁竹一嘯十里
驟覓將軍攬鏡媚中囑何異搏虎驅狐豚只今休
八州牧身佩重寄憂元元驚塵錯莫羽書空雖有
酒誰同樽沈幾且復長轡御瀝懇何童立面豈樓
一列飛反海漢家上將來天闔狂童束手起烈火
戈不汚以血痕坐難飲至凱歌入船粟往哺遺民存

五兵包裏萬關東止戈新榜真出言便當頻與方外
吏從倚風舟星河斷幾年牡菴飛不守河濟逆氣腥
乾坤知公快挽天河手坐視黠虜方遊菟權輿闔越
聊小試寧復火北淹還藩農桑禹里望王公等願見四
海無管中

侏儒

侏儒飽官粟道中行勃率但知隨眾笑了不見優拙
暮歸遣客問對然羞錯舌心知續鳧悲慎莫充造物

中秋賞丹

去年中秋雨野蒼連雲寒驚塵暗一方客枕那得安

起呼雲霧弟，攬取步蹒跚。握手仰太息，宇宙何時寬。
今幸中秋月，並海窺瀟瀾。坐看鬱藍天，忽湧白玉盤。
善言雙峯客，倚闥念衣單。亦復取樽酒，承顏有餘歡。
天涯等車落，世路方艱難。且遵秉燭語，毋為泣河欸。
停盃玩飛轍，河漢靜不湍。癡兒亦不眠，苦覓蛙兔看。
湖出暗潮落，髮葉香霧溥。佳句付惠連，何時解歸鞍。
記草木雜詩七首

月桂花

窻前小桂叢，著花無曠月。月行晦朔周，一再開復歇。
初如醉肌紅，忽作絳裙色。誰人相料理，耿耿自開落。

有如貧家女，信美乏風格。春風木芍藥，穠艷傾一國。
芳根維無恙，歲晚但枯枿。首昔蘇軾詩，一一理蘭蕙。

萱草

水菽怡慈顏，萬鍾亦土苴。時從班衣兒，藝萱北堂下。
穠華夫豈少，愛此入風雅。紛敷翠羽叢，絳英爛如赭。
諸孫遶銀鹿，采摘動盈把。誰言壺中春，在此眉壽掌。

紫竹

新移紫玉幹，羅列才十餘。枝葉一何病，意色慘不舒。
早久土膏燥，抱甕愁僕夫。雖無樵蘇厄，苦欠雨露濡。
我來侶魚蝦，滄溟在階除。月窻瀉水墨，天風韻虛徐。

誰言居無友此君良不踈三年為主人籀孫定紛如
他時報安否誰寄青泥書

茉莉

海上作重九菊揉青蕊香近墟買茱萸枯顆出藥囊
兒曹記土風歎歎事祈禳老夫未免俗聊尔答風光
災祥理不僭此柄孰主張譎言眩宋俗吾欲案長房

吉貝

炎海霜雪少畏寒直過憂駝褐阻關河吉貝亦可裘
投種望着花期以三春秋茸茸鴛毳淨一一野繭抽
南北走百價白氎光欲流似聞邊烽急綠江列貔貅

裁襦襯鐵衣愛此温且柔天乎未厭亂利厚人益殖
誰知海濱客獨歎無人訓

芭蕉

地鹵不敏樹珍植何由暢斲根移芭蕉美蔭跂可望
芳心日卷書翠葉忽張王偏工鳴秋雨踈密眇難狀
霜風一以厲狼籍坐惆悵誰言縵縵中秋子得佳詞
細囊貯瑞露厚味天所貺懷哉腊毒言節口畏生瘴

菖蒲

東山在眉宇未到心鬱紆流泉撞哀玉清冽生菖蒲
聞有嬋娟子棄家來結廬窈窕雲霧窻參差冰玉膚

絕粒餼香節仙姿清且腴邇來隱身去冷落愁矐儒
靈方無由乞石斗移根鬚相看意已消何必見子都

海上

落日弄雲海閣風欲手攀秀色不可解西山如連環
緬懷避世人結屋棲孱顏眎世一蝸角笑憫觸與蠻
我生笑癡仙遂恬升斗慳尚餘詩書債倖此朱墨關
纓冠出救闢安得長閑關仙人形識此妄自憑愚頑

送祝仲容歸新安

歷亂百憂心漂零一涯天讀禮不盈尺眼菱坐自憐
君來訪安否春風柳吹綿篝燈語平生愒恍夜不眠

那知歲月度但怪冰雪堅感君懷親意使我淚貫泉
高堂急榮養躬耕恨無田筆端日五色氣壓諸生前
聖門要鑽仰至味研簡編經綸出緒餘文字忘蹄筌
他年閒擊竹妙契琴無絃此時一瓣香竟為何人然
江湖多北風懷哉歸袖翩刮目看奮飛此道更着鞭
次韻彥繼用前輩韻三首

魏歲

歲晚追土風獨甕誰與佐人心感流光臺魏屏奇貨
雞豚取牢柵門戶隨小夫去鄉二十年憶此但愁卧
光癡元未識但索梨釘坐何時鷓識村莫作馮轉磨

不須志四方教子求寡過歸哉及強健老去煩劑和
別歲

舊歲已趣駕為我不少遲凡心長博年而歲豈容追
丈夫有蠖屈牢落天南涯茲功英妙幸豪傑彼一時
寧當如秦越坐視瘠與肥穉翁意誠厚酌酒寬慈悲
慇懃何時忘祝我致好辭撫世非吾事諸公正扶衰

守歲

庭燎夜未央旌旗煥龍蛇九門一放鎖萬馬誰能遮
亂離憶舊事安眠夢無何目眩燈燭光坐厭兒女譁
念此亦土風雖癡不容過更為盧白戲紛爭起橫斜

故歲不足計新歲莫蹉跎努力誦書史從人笑翁誇

奉同胡德輝八月十四日夜玩月次韻

我夢故山月蘿影垂秋光誰言九衢曉莽莽吹塵黃
群公直道山晤語清夜央飛轍轉空闊積暑蘇蒼涼
哦詩中天津流光惜堂堂雞肥社酒熟吾亦懷吾鄉

又

亭亭月初高河漢坐可搴病餘久制酒灑氣兩爭先
振衣萬里風歸袖何時翩懷哉故山友共此今夕圓
離離雲飛鴻何意影沈川觀心要知是出處直悠然

巖桂花

開門驚積葉秋氣日以厲獨芳搖落中粲粲巖下桂
幽芳不自憐悒悒紛滿地未忍蹋殘英何以娛晚歲

中秋夜雨

秋雲定何心忍翳今夕月尚嫌微點綴况廼都漫滅
他日任氛霾數日望清澈倦投衲子窻竹雨聽騷屑
對牀不成夢有酒那能設螢飛矜意氣蟲語轉幽咽
心知層陰表皎皎玉輪潔何當凌倒景徒倚玩飛轍
夜坐

棲遲客異縣名氏蔽丹丘希世非夙尚素餐愧前修
日耗大倉陳一飽寬百憂眷焉撫平生信亦無幾求

蒙籠小牕底圖史漫不收籌策瘖病眼昏花亂蚍蜉
愚儒未忘世撫事非所謀不如遂捐書卒歲以優游
懷膠眈崑墟濁浪排高秋知難有明訓吾其老鋤耰

秋懷二首

鏗然一葉脫中夜歎以驚及茲遂搖落風露漭難平
晚晚愁自滋淹留蹇何營騰騰任天運廢幾得吾生

又

中郎章句儒失身徇邦仇一歎不自知邂逅死孤囚
凜凜南昌仙斗食身百憂渺然元始後滅跡不可求

圍碁

投老一寸心獨立無攀緣兀兀不自聊悵悵誰與宣
時有素心人一杆奉周旋得雋非至數三捷亦偶然
危思寄方罫積威下虛弦驕矜不須史奔北已可憐
志士珍短景顧謂壁可捐聖門未及藩遠道要着鞭
緬想運甓翁操具投長川自強聖所臧懷哉撫帚編

談命

岑寂契心賞棲遲幸身閑却掃味道腴未厭藜藿慳
久絕子公書羞訪季主關肯為空際塵起比曾中山
曆翁推始生邂逅盃酒間自今半運中且作尺蠖跼
蕭蕭兩鬢髮已白不復斑功名日以踈落落難強顏

譬如坐穩人正苦步作艱夸毗付餘子彼哉謝追攀

吳江曲

吳江女兒白如玉花底紗窻傍谿淥玉簫春暖貼朱
脣故作陽春斷腸曲扁舟掠水去如飛不見嫣然一
笑時回首江城只孤塔向來一念復因誰

梨

一霜木葉紛紛妥園夫獻梨紅頰擘亦知曾次本清
涼且欲與君克飮坐

常齋集卷之三

春姑朴新香嫩細曲品其林水去咬乘不具韻
吳王女與白咬王蘇其初發氣王蕭春銀胡未
吳王曲
響咬坐器人五苦悲亦曠李細似積子如浩熊出琴

常齋集卷之四

新安朱松喬年
律詩
雙熊

解汲舟

上國經年客春流一棹波已醒離帳酒猶記客亭歌
水枕殘歸夢霜衾擁獨哦蓬窻橫落月作意傍人多
淮南道中微雪

密密雲陰合斜斜雪態妍似欺春力淺故傍客愁邊
宿鳥投村暝寒梅抱蕊鮮無人命尊酒清絕裊茶烟
送沈昌時赴寧海令兼叙別二首

俯仰塵埃二十年天涯初此試鳴絃正緣五斗羞陶
令莫歎三江阻鄭虔饒吏誅求何日饜羸民凋瘵豈
容鞭故人便使來當路終恐勞公自挽船

午潮平處落歸帆已覺離情兩不堪轉手便成十日
別悲歌聊倚一盃酣波翻別壑聞車水青遍柔桑趁
浴蚕歸路春深風日美伴誰操筆賦幽探

西湖泛舟

望湖樓下照衰顏羞見塵埃兩鬢斑風解縱看山轉
側烟堤儘逐水回還喚人歸去城鐘急觸處相親嶺
月彎不用新詩摹絕境定知長到夢魂間

和舜明晚雨

一雨平龜圻層臺轉小涼吟羞東野窘醉想謫仙狂
濕翠生苔徑餘清襲芰裳王郎不相顧掃地靜焚香

贈言命張生

俛仰塵埃的自羞稍看寒餓復誰憂小兒造物巧相
戲窮鬼逐人殊未休我所不知煩子筭世如無取更
何求服箱挹酒真么麼那用區區問斗牛

東陽社日泛舟觀競渡

誰喚思家客來為蕩槳嬉鬢華羞照水雨意解催詩
疊鼓飛文鷁香鬢出短籬醉歸真夢覺猶憶湔裙時

熊積道桂軒

覓種老蟾窟培根芹水傍書燈移素影詩筆帶餘香
家計傳常業孫枝繼却芳山川供秀潤蘭玉競輝光
那把攀雲手空持種樹方嗟無月脇句惡語汗君梁
浮榮過眼旋銷忘惟有谿山意味長身健不嫌穿屨
確塵空那復戲滄浪林鍾喚客烟巖寺風葉鳴秋竹
蔭廊一似雲谿醉眠處只應軟語欠支郎

贈僧

知有叢林特地過幅巾迎笑出巖阿杖藜同覓牛羊

路濯足來分鷗鷺波豈不倦遊貪斗粟坐令歸思動
漁叢他年會有相逢日稍食吾言聽子呵

三峯長老送紙被

笑我布衾故分君楮幅温尚嫌肱當枕端稱蓆為門
敗篋薪錢盡幽窻雪意昏寤驚雙脚暖猶恐錦鯨存

盆中梅花

兀兀天涯客依依雪谷花莫辭遶病眼相伴送年華
勸我三盃醕熏心一念邪幽香戀吟筆半墮墨池窪

月下

幽獨不自得出門誰適從滔滔我不即踽踽世寧容

吾道固應尔何人此意同唯餘穿戶月照我一尊空
留別卓民表

末俗紛紛事不情天涯懷抱向誰傾漂流空度三秋
日邂逅來逢四海兄剪燭西窗驚睡夢對牀夜雨話
平生滔滔世路方同驚何日相期問耦耕

寒食

粥冷春錫凍泥開臘酒斟故鄉空淚滿華髮正愁侵
山暝雨還住烟孤村更深誰知江海客浩蕩濟時心

延福寺觀醮醮

幽棲一壑無來轍睡起忽驚春已深踏青不趁溱洧

女曳杖來尋蒼苔林長條挽處雲籠袖幽佩歸時月

滿襟武谿回首醉眠地香力一熏愁到今武谿昔寓學之地有

醮醮極盛

寄吳及之

世事今人舌本強滔滔何處是吾鄉未成微服隱吳
市且可携筇訪草堂欲買雞豚接近社少陪風月生
胡牀共將絕唱追韓孟一飲還須釀百觴

答卓民表送茶

攬雲飛雪一番新誰念幽人尚食陳髮鬢三生玉川
子破除千餅建谿春喚回窈窕清都夢洗盡蓬蓬渴

肺塵便欲乘風度，芹水却悲狡獪得君嗔。

和人遊仙峯庵三首

千巖萬壑翠縈回，一洗衰翁病眼開。落日多情留別

嶺，秋空無地着浮埃。雲閑出岫初無意，松老參天豈

願材。我是散仙君記取，更鞭鸞鳳少徘徊。

誰麾俗駕挽，今回珍重山翁小。徑開去覓雲峯攀碧

落下看沙劫，壞飛埃掬寒露井。銷塵想擷翠筠籃，富

藥材彷彿三生曾到此。樓鐘重聽一徘徊。

脚底千峯翠浪奔，雲端掛此一豪身。山河了了窮千

界物我紛紛共一塵，浪趁下方追日步。恨非本色住

庵人，他年八極浮遊遍來讀新詩迹未陳。

寄金確然

金子卧空谷，何人賦白駒。僧斟三味酒，客薦一囊書。

歸夢寒應短，詩腸飢自呼。強穿東郭履，來煮雪畦蔬。

次韻菊坡

露浥秋英濕曉陰，小坡新斲竹幽尋。似欺蘭畹方披

羽，聊對風卮旋屑金。采采遶籬吟欲就，垂垂壓帽醉

難任使君致主唐虞了，三徑無忘此日心。

蘆檻

手斲修蘆着檻栽，使君公退幾徘徊。想當風雨翻叢

急疑卷江湖入座來未辦松窻眠綠浦且將屐齒印
蒼苔種成桃李人間滿應念孤根首屢回

春晚五言寄夢得

美景足可惜殘春尤不堪晚英餘燕蹴熟顆墜鶯含
歲月蓬雙髮生涯粟一甌唯思對公瑾把酒話江南

再答諸公

芳節坐晼晚客懷無一堪柳眠猶自困花笑為誰含
風揭拾遺屋塵生執戟醜聯詩賴諸友妙句壓城南

董邦則求茶軒詩次韻

一軒新築敞柴荆北苑塵飛客思清更買樵青娛晚
景便應盧老是前生千門北闕夢不到一卷玉杯心
自明冷看田侯堂上客醉中談笑起相烹

送仲猷北歸二首

一立宵次有餘師空此淹留歲月遲黃墨工夫憐我
倦簞瓢風味要君知新詩落筆驚翻水俗學回頭笑
畫脂伊洛參同得力句還家欲舉定從誰

欲尋當日故山盟身世今如海一萍歸路上心真了
了愁根入鬢已星星挽衣共酌東西酒折柳送行長
短亭念我知君回首處蒼叢萑葉一時青

寄吳致一

相逢一笑兩忘懷
夢遠親庭首重回
世事難磨三尺喙
離愁都付一分盃
秋生林薄歲時晚
水落江湖鴻鴈來
騰作新詩頻寄我
天涯時對兩眉開

四月十五日上元道中

亂山身逐簡書來
梅子黃時雨未開
一葉橫斜風葉度
千灘聳聳雪城催
危機種種那容避
俗駕駸駸底未回
聊復浮遊隨造物
故園回首思悠哉

送黃彥武西上

門揜蓬蒿氣浩然
西風筆勢更翩翩
未忘大學蘆葢味
時說定林文字禪
蘆葢風光傾上國
槐花心緒記

當年里門歸日車
應下置酒逢君沈水邊

林文挽詩

沈谿耆舊半丘墟
猶有期願隱市區
不展武侯箕下拜
已傳顏子夢中呼
門人會築三年室
手客誰留一朶芻
歸卧九原應不恨
何蕃聲譽滿京都

有懷黃元聲時聞在建上詩

遊也

積雨山城久卧痾
起看橫港漲晴波
三釜九尺好奈此一樽
風月何懷抱故人
長春重過東谿回首
醉眠處爲問紅藥
柯

書室述懷奉寄民表兄是日僮民表書
又室無塵斐几橫吏休息驚散無差事
轉榮夢鑪香嫋嫋清已笑榮枯蘆白
蠶等故人剪燭西窗約知復何時語
此些

答人留別之什

豕在大江東復東去君一舍
楚流通那知臨水登古
處同寄飛蓬斷梗中愁絕
至守千里月夢榮江上一
帆風只今且作須臾意更
典雲裏醉小囊

七月四日宿丹谿道中

日虫露芒重涼生風葉翻
秋杭已照眠桂酒欲香村

牛下草萊濕人歸園
中香不減

采道人自尤

五年流水幾幾
五年流水幾幾

錫夢回香子遠
千

湘班更覺難
這詩力健

送劉道

一屋遮地本
依

口鮮裝
最

菊家新
開

醉事一
老

舊鈔本作怪微
省鈔本作求

酒醉魂清
火錄持筇
題白鹿庵

鹿門看老
事老蕉林
塵起香林
滔滔一世
事小見存
玉田若

事老蕉林
塵起香林
滔滔一世
事小見存
玉田若

事老蕉林
塵起香林
滔滔一世
事小見存
玉田若

事老蕉林
塵起香林
滔滔一世
事小見存
玉田若

縛屋雙峯雲一塢
拋來伴我事幽尋
風花蹤跡趣雖
各香火因緣情自深
浮峽未興圓澤歎
乘桴還有仲
由心三山他日記
耆舊鑿齒彌天無
古今

次韻李堯端見嘲食蕨

真人官府未賣緣
且向龍山作散仙
春入曉痕催采
蕨雨翻泥隴憶歸
田蔬腸我若朽蟬
腹詩格君如擊
鷓拳筋下萬錢謀
更鄙諸公飽死太
官羶

次韻堯端試茶

龍文新夸薦緗羅
園吏分嘗苦未多
自淪雲腴麯露
并坐知雪粒采陽
坡撐腸君要澆黃
卷愛酒渠方捲

白波我亦箇中殊不淺
斷無蹤跡到無何

送友生

剝啄門前久未嗔
定知我輩不羈人
午窻喚起夢
好一語便知風味真
身嬰世網坐營口
心識醉鄉慵
問津忽先秋
燕背人去四角何由生
客輪

贈范直夫

將軍競病詩成處
南浦春歸蘭玉叢
漸減心情身老大
又乖談笑路西東
鄉關落日蒼茫外
樽酒寒花寂
歷中且與寓公同
放曠浩歌相屬倚
秋風

招友生

雨收天氣欲清明
猶有餘寒在粥飴
馬隊客勤貪晝
永鱸堂人病想身輕
讀書有味藿塩好
對境無情夢
寐清欲話此懷須
我輩一來蠟屐伴
春行

辛亥中秋不見月

今夕九秋半
心期負隔年
勞生灰劫裏
微雨客遊邊
旅泊正無酒
陰雲遑怨天
何時草堂月
相對籍糟眠
次韻羅源謝成章作不烹鳴雞詩

彼美司晨族
膠膠職効鳴
爲憐君子操
寧乏小人羨
恩重棲時穩
心危失旦驚
未甘烏轉夜
聊學鴈全生
結客觀酣闢
要君事割烹
那知競辰子
力學務時成

次徐謝韻還江公詩卷

大條祠官閑日月絕知聖處着功深榮枯舉世爭盧
白枉直何人較尺尋身比香山差得計詩看正始有
遺音應容下客遊東閣要話朱游夙昔心

次韻汪彥允見寄

北苑乖期恨昔年異鄉牢落夢江天約遊汗漫傳新
句許出嬋娟有舊綠種種髮絲何計換搖搖心旆不
勝懸歸耕要伴君難老相與咎鸞作散仙

與吳昌國同遊靈水院二首

筭舟吏散了無事與客意行初不謀飽看雲濤舞空

聞故遠來石塔深幽西漢未試補天手上界那知鞭
風遊勇端地年憶真賞莫忘身世尚沉浮
來往風流記兩翁天涯今作九秋蓬坐驚秀色懸眉
宇便覺仙峯入手中傲世真成漆園吏輸君不負北
湖風書生浪發新亭歎自笑尊前氣吐虹

贈吳昌國二首

居越與誰語得君寬我愁頗驚三日別更為一樽留
食羞有餘味泣河非所謀相看撫身世容與愧蒼鷗

憶及少年日遊君大父閒諸孫嗟契闊雙鬢各爛斑

未嘗歸意就俱嘗適俗艱絕知歸思急更覓玉梅攀
孔生示二詩答一篇

或從尊前一笑譁憐君孤憤老天涯諸豪雖識臨叩
客祖族難當關里家會有孟光求共隱不應牧犢但
長生青衫華髮春風裏擇婿猶堪駐寶車

寄江少明

無是風雲一舉盪不妨聊作侍祠官高情未許群兒
覺萬事何須正眼看問道從公春信近談天容我酒
盃寬乘樽亦有平生意回首紛紛行路難

次韻劉仲高懷外舅家梅花

柯山月下嬋娟影前度劉郎餞故情詩成回首應三
宿我亦惜花癡半生鴈沉寒水菩提長蝨蝨真若輩
句清西湖懸絕得鸞喙可但能專五字城

送景思奉祠之温州

司祀名郎下紫宸王師載主尚時巡丕承配極威靈
在對越垂休命秩新幽夢想多春草句清江為洗滌
衣塵行觀前席來宣室可但從容問鬼神

次韻鄭德與歸舟中感懷

兩牛鳴地隔寒流病起相望容鬢秋聞道喚船歸別
浦坐懷聯策倚滄洲騷人空復驚搖落胡鬣何須數

滯留會擁蒙衝入河渭看君黃色土

李似表取告歸晉陵

酌酒摻歸袂繁陰殊未收心知非遠跡自不希
蓬渚勸懷槩雲臺歸借籌迨來閭闔足
致政宣教魏公挽詩二首

已自應無憾人猶歎不遭簪纓門已大
潮海氣方豪舊國牛磯外新阡馬鬣高
流芳傳教子步武接夔章

又

交蓋歲云晚向人懷自傾爭棋滿
手便陳迹撫書增故情無由從
轉手便陳迹撫書增故情無由從

劉氏挽詩

餘慶鍾蘭秀初占合鳳飛那知風不正
遠作露先歸鬢髮筵方徹齊眉事已非
竟車春陌上空背夕陽歸

次劉彥仲傳茂先韻

強踴府塵從傳子立談江閣識劍郎
一尊此地見眉宇十載相思成鬢霜
秋燈煜煜照情話夜浪翻翻吹客床
投名徑入農圃社老矣不夢天門翔

建安道中

牽确復牽确秋山殊未晴流年半羈旅
此地幾經行雪嶺今慵照茅簷欲謾營
大鈞渾莫問流坎任餘生

送蘭廷彥之衡州

墻東新徑去年開二老扶筇便往來數面何曾三日
別離懷都寄十分杯客亭繫馬梅爭落官舍裁書鴈
欲回秉執樞機有知己未須卜築向蒿萊

商羊

異鳥來齊國仍依殿陛翔從容詢魯相物色是商羊
欲雨追童語懷山驗水祥民寧因備豫政美謝祈禳
止異爰居久鳴無埜鶴長願言蘇早虐主上似宣王

次張演翁林元惠韻

朱門小駐使君車二老風流入畫圖但有觥籌供笑

語從教歲月上髯鬚詩成華燭留殘蠟客醉高歌叩
缺壺更起爭棊誇得雋不應局蹙守邊隅

公相起犁鋤

帝室尊公相潭潭大府居從容調鼎鉉奮發自犁鋤
弼亮恢賢業班聯冠廣除艱難同耦日慷慨輟耕初
厚幣來莘野幽人出冀墟渴賢才及席何計老田廬

常齋集卷之四

章齋集卷之五

絕句

太康道中二首

新安朱松喬年

得春榆柳遍平郊猶見藏鷗影未交動地風來一披拂青黃淺淺抹林梢

一色春勻萬樹紅坐愁吹作雪漫空誰知榆莢楊花意只擬春殘卷地風

燈夕時在泗上五首

燈花作意照歸人短棹扁舟寂寞濱帝力如春蘇萬

[Faint bleed-through text from the reverse side of the page]

物遙知太一不威神

雲窻月檻仰乘輿俯看香車出繡襦九陌人人歌帝力不須微服過康衢

鸞駕翩翩馭晚風積蘇宮闕在濛濛明朝遺覓鐵如意應在涼州酒肆中

我欲安心未有方至人遺跡已茫茫自非窄堵波中老誰直先生一瓣香

我觀世界只兒嬉一戲相從又莫辯綺語未忘餘習在明朝與和紫姑詩

松江三首

塵緣挽我去漁磯回首滄洲此願違偶寄一舟江上去只無箬笠與蓑衣

表裏江湖眼界新解誇竒觀屬詩人要須一醕三江

水淨洗多生舌本塵

晴江渺渺跨江干春漲平湖萬頃寒欲挽銀潢供硯滴坐如震澤在毫端

翠碧

長橋畫柱照清淪俯見游鯈不可緡山影半溪叢篠密誰知翠碧解藏身

賦王伯溫家醪醑

翩翩風馭駕花神更遣餘
雪喚回中酒惜花人

王彥行送櫻桃

香英狼籍了無餘
客為嫌啼鳥啄紅膚

芍藥二首

紅顏素臉出春殘
下何年跨鶴往吟看

舞困春風睡思深
笑那有當年幕客心

事見續筆談

月巖去上饒十里山有側穴腹背皆洞如月
鑿透巉巖不記春山腰千古掛冰輪誰知擘破三峯
手翻出瑣瑣戲路人

蟬

陰陰葉底午蟬嘶滿腹春風寄一枝下有行人正愁
絕不知幽咽自緣飢

寄湛師

一月分身入萬池道人何處不相隨
穎歷歷新詩世不知

答汪明道見示畫雪梅詩

詩人未見雪梅畫只識前村橫水枝百巧摹香摹不出此詩風味畧相宜

夾路天寧謁僧不遇

支公去不鎖禪扉熟境應留夢裏歸我却寄眠公榻上此心渾似片雲飛

野步

悲歌厭聽久無襦倦客翻嫌出有車杖策岸巾山下路百錢聊欲飲樵夫

報恩寺

道人足跡掃塵寰坐看筇枝上蘚斑豢得籜龍千尺

就却教行水遶空山

鈇山僧齋假山

擘開華嶽三峯秀疊就層峯數石寒等是世間兒戲事道人莫作兩般看

石門寺四首

橘刺藤稍骨客衣直緣微祿得奔馳懸知投老歸田味只似登山困睡時

行穿蒼麓瞰平岡踏破青鞋到上方城市紛紛足撥穿却從山路得康莊

林棲相喚出幽谷我亦欲起天未明枕中泱泱響山

溜一似荒城長短更
真功那復歎蒸沙靜笑飢腸日夜譁老褐不須供茗
粥朝餐吾已辦丹霞

竹齋

誰云山僧貧而有千椽玉幽眠豈無處愛此晴窓綠
將宿松溪羅漢舟小不果渡廼宿資壽二首
霜餘野水尚能深隔見僧簷出短林一蓑欲航心未
穩故穿危徑取墻陰
敗絮如裘不可連書燈相對聳吟肩明朝定有茅簷
日借我烏犍曝背眠

將還政和

歸去來兮歲欲窮此身天地一賓鴻明朝等是天涯
客家在大江東復東

以研墨送盧師子

明窻子石灑松腴萬卷盧郎正要渠何似黃梅碓下
客夜翻半偈倩人書

燈夕在試院用去年韻

隔墻歌吹聒悲涼信馬狂心墮渺茫報答風光吾老
矣小窻讀易靜焚香

春晚二首

梅子生仁柳絮催春風塵跡只蒼苔繁華一夢年年
事長是初鷺為喚回

客路歸來芳節闌杖藜隨處小盤桓危紅數點藏深
綠須作春風爛熳看

南谿道中

千峯踏遍一筇隨草軟沙平步却宜細徑忽攀飛鳥
外故知腰脚未應衰

送周時用自別業還永嘉

陌上花殘客未歸故鄉自合去遲遲紅香洲渚收歸
槳却勝池塘草綠時

午憩龍山上方

稅鞅雲扉屨響廊困眠拾得小窻涼逢人莫說夢
好厭見客塵吹上方

觀張上達家惠崇蘆鴈圖二首

先生衰眼失孤鴻久着甕天塵霧中誰卷秋空開四
壁丹青三昧道人崇

道八一錫攀飛鳥頗悉南來北去情畫出江南遵渚
態尚餘風味叫群聲

示謝彥翔

滿川秀色野陰踈知有儒仙隔水廬借我玉函河上

梅子生仁柳絮催春風塵跡只蒼苔繁華一夢年年
事長是初鷺為喚回

客路歸來芳節闌杖藜隨處小盤桓危紅數點藏深
綠須作春風爛熳看

南谿道中

千峯踏遍一筇隨草軟沙平步却宜細徑忽攀飛鳥
外故知腰脚未應衰

送周時用自別業還永嘉

陌上花殘客未歸故鄉自合去遲遲紅香洲渚收歸
槳却勝池塘草綠時

午憇龍山上方

稅鞅雲扉屨響廊困眠拾得小窻涼逢人莫說夢
好厭見客塵吹上方

觀張上達家惠崇蘆鴈圖二首

先生衰眼失孤鴻久着甕天塵霧中誰卷秋空開四
壁丹青三昧道人崇

道八一錫攀飛鳥頗悉南來北去情畫出江南遵渚
態尚餘風味叫群聲

示謝彥翔

滿川秀色野陰踈知有儒仙隔水廬借我玉函河上

語只看尺許定何如

後身梅福與誰論正有幽人夙契敦更欲上書陳世
事却來微服守吳門

示金確然

牢落天涯身百憂故人千里肯相投知君強記當年
事莫說家山恐淚流

遊妙峯庵二首

朝暖南岡一杖藜忽投深壑得禪栖共言伐翳通樵
徑後日重來路恐迷

手開茅棘養踈慵不着塵中車馬蹤只許幽人來別

嶺卧聽石磴響枯筇

招謝居安

暗中摸索故難忘客舍相逢話最長更有異書分我
讀只無名酒與君觴

梅花

霜谿咽絕照冰姿誰見無人弄影時香逐曉風穿暗
戶夢隨落月掛寒枝

社日遊南臺

作社無人喚拾遺不妨步屨趁兒嬉一壺春色千峯
頂回首他年憶此時

雨二絕句

撼撼初鳴竹，涓涓稍滴簷。忽然幽夢斷，更覺曉寒添。

又

纖纖花入麥，漫漫雨黃梅。泥徑無人度，風簾為燕開。

招卓民表來白雲寺

剝啄渾無去客嗔，丁寧招喚只懷人。南風殿角涼如水，來洗眼前朱墨塵。

宿石龍寺二絕句

風傳萬籟有喧寂，月入千波無淺深。應信此身非我有，窓間誰伴夜蟲吟。

觸處為家底，是歸浮生南北未忘機。道人身似南枝鵲，更盡秋宵一再飛。

惠旬送粟既歸其直作兩偈

山僧分粟配高藜，百億須彌一鉢携。但得十方羅漢飽，不辭身作老金雞。

惠休老去謾論詩，圓澤西游未有期。但解留連元亮酒，不須料理玉川飢。

寄人

西山相對卧寒齋，耿耿思君不滿懷。比似持雲來寄我，何如君自作雲來。

書護國上方

久知喧寂兩空華
分別應緣一念邪
為問脫靴吟芍藥
何如煮茗對梅花

元聲許茶絕句督之

鳳山一震卷春回
想見香芽幾焙開
未辦倩君持券買
故應須我着詩催

謝人寄茶

寄我新詩錦繡端
解包更得鳳山團
分無心賞陪顛陸
只有家風似蠟殘

與勻道人蔬飯作兩絕句

道人一計了平生
肯笑寒儒不糝羹
若識先生晚食肉
萬錢何處着羶腥

牛羊觸藩筍成竹
鵝鶩成群飽倒藤
一飯羅摩未為孽
要知我是在家僧

勻道人之玉山戲作兩小詩送之

小雨歛塵芒屨輕
玉峯一點笠邊明
向來目盡鳥飛處
一錫今隨隻影行

道眼無塵萬景隨
滄江秋色入新詩
歸時人問江南好
只道君行到自知

宿鷺湖寺和同行勻道人

人間狡兔開三窟天上夜叉守九關欲伴衲僧林下
住會須石似此心頑

題廓見亭

危欄縹緲跨鴻濛城郭溪山一覽空何處更容君着
眼大千渾在六窻中

梅花

春歸幽谷轉微和已覺粘枝玉蕊多天女淨香焚月
下相逢依約到無何

書劉家園壁

梅花夢向笛中殘子着深枝一酸腸斷來遲雙燕

子暗香消歇粉泥乾

心空無地着塵沙對鏡何曾一念差戲取大千歸丈
室未妨衣襟亂天花

南浦五小詩迎勞二弟

鱗生雨後東西倦雪落竹間南北枝將毋方勤弟行
役春風應滿錦囊詩

苟祿勞生不為身強顏來此筭征人莫將朝市輕分
別等是低田一闕塵

堂前春日媚玳盤穉子相群舞袖斑斗酒壽親逢一
笑不知身在市門間

青山北界大江東了了鄉關在眼中歸得一屢吾願
足此生初不問窮通

健碧倚天無數峯眼前渾似故人逢問來識面知何
處應在願齋詩卷中

和幾叟秋日南浦十絕句簡子莊寄幾叟

心親千里不辭遙咫尺衡門接市橋萬卷舌端真歷
歷一丘胸次更囂囂

平生學道着功深世事縈人負此心賴有關西門下
士洛川流派得重尋

屹屹龜山障末流藩墻一望渺無由曾中萬里平生

事肯躡尋常只麼休

西翁相對語更闌想見風生席石間詩就南枝三轉
鵲樽前秋月半啣山

殘書勸展水沉燒那有堂前學子嘲卧讀蕭陳秋夕
句不知烟暝鳥爭巢

凜凜臞仙千載人當年許卜一枝隣天高鬼惡堂堂
去誰識渠儂不壞身

不見陳公歲又除七峯深處食無魚終煩指似龜山
路會使人疑得異書

一筇楚尾見春風遙想詩成顧盼中心逐孤雲天外

去恍疑身在大江東

沙界豪端久自知筆鋒一戲更何疑江南春色花千里幻入幽人半幅詩

風雨交交耿夜燈天涯兄弟對牀聽莫嫌詩作江南語一夢家山眼亦青

答子莊見和

老去溫柔失舊鄉北牕一枕午風長夢回未覺羲皇下句好全勝殿閣涼

答國鎮見迂之什

平津欄檻倚高秋一掬寒波醉眼流莫話風流雲散

事九河翻淚若為收

淵明把菊對清秋醉裏詩豪萬象流畫出多情愁絕處七峯明滅斷雲收

次韻答夢得送荆公墨刻

相馬評書世未知要從風骨識權奇半山妙墨翻風雨尚有典刑今復誰

與許簿同遊南山二首

步携婉婉上巉巖北望雲山紫翠攬了了大江東岸路欲攀風馭脫羈銜

秋空如水莫留塵脚底千峯翠浪奔未暇與君遊八

表且當索酒賦鷓鴣

遊報國院用壁間韻示同遊二首

招提一葉弄新晴却信朝簷鵲有靈猶有幽花堪繫
纜為言輕手惜飄零

老僧弥勒久同龕應笑遊人世味甘小數何曾工九
九深禪聊欲問三三

谿橋納涼晚歸小景

誰共谿邊沉瀝杯驚魚不睡棹歌來風生蘋末無多
子更待冰輪作伴回

水精念珠頌

百八公珠水玉寒客囊無復一錢看只應袖裏靈山
無數如來轉指端

臥疾初起示逢年兼簡綽中德粲五首

觀身已作水溶溶投瓦云何覺病攻造物小兒真一
戲未妨居士却談空

病餘都作鶴聯拳誰識臞儒是列仙如我角犀將底
用藜莖相對却超然

三君皆卧疾
數日羸甚

清風白雨灑炎荒林下聽時恰對牀一洗微痾何足
道請觀何處不清涼

登歲功名不自量近從顏禹識行藏萬錢本是憂時

餌除却簞瓢莫謾嘗

一溪風月浩無邊病起吟觴恣未便欲作二豪知未
辨恐君愛我冰猴禪

以月團為十二郎生日之壽戲為數小詩

鳳山團餅月腫脹老桂橫枝出舊叢小友他年春入
手始知蟾窟本來空

夢覺牀頭無復酒語終甌底但餘麋已堪北海呼為
友猶恐西真喚作兒

駸駸驚子筆生風開卷猶須一尺窮年長那知蟲鼠
等眼明已見角犀豐

生朝樂事記當年湯餅何須半臂錢吾筭自知樽有
酒汝翁莫歎坐無氈

西苑餘莫煖坐無野
主陳樂年時當平流
下殿半宵燈
自快靜亦

常齋集卷之六

新安朱松喬年之亦下

絕句

宿靈感院二首

現身猶有宰官緣且作吳門忍辱仙欲以詩書為佛
事利生一念幾生前

淨掃雲房借客眠折鐺煮粥勸加餐道人更有超然
處柿落霜林擘鳥殘

遊南峯贈長老

欲問春歸只意行亂紅吹盡綠冥冥道人那管芳菲

過沙劫成灰睡未醒

小偈呈元聲求博山鑪

鑪峯落日紫烟孤江上扁舟失夢餘乞我博山修淨
供要知觸處是匡廬

徐彥猷寄示詩數章皆隱約世外語詩律深
妙豈勝歎仰輒次韻和呈彥猷素富學未壯
而棄場屋故詩中極道江湖放浪之樂以動
蕩其心志而卒反之以古人出處之義當有
隱君子弄舟烟雨之外倚其聲而歌之亦可
常以一笑也

幽人世路無轍迹抱此耿耿將安歸機心一寸焦穀
稿丹頰不為千鍾肥

頗憐胸次抱經緯半縷不上山龍衣誰知烟雨暗青
笠得意雲水春霏微

詩逼長江世已稀滄州未覺此心違平生却笑陶彭
澤今昔紛紛強是非

江湖魏闕已一視孰與蓑笠無危機遙知避世客相
對落日一談能解圍

談笑百篇無俗韻榮枯半世掩衡扉古人祿隱或金
馬那用故山甘蕨薇

送求道人永福謁同參二首

枯木巖頭鴻鴈行十年離別話偏長歸時裏裏日溪
橋應作雪峯蒼藟香

拄藤峯頂一長嘯贈子西行風半帆想見月生潮上
處新詩歷歷在千巖

絕句

一笑相從欠我曹日疲浮禮只徒勞紛紛閱世真難
記莫是先生眼太高

懷劉園作

一與劉園別春風到海隅墻陰草爭綠留得屐痕無

和求道人

海角西風撼客牀熟衣已試九秋涼同根兄弟久南

北他日燈前話更長

聞大年歸

衲子詩工骨轉寒折鐺全勝斗升慳恐君愛我長沙
舞且復閑中袖手看

風波舉世正同舟聊戲乘桴從我由閉戶有時非得
已馮河無補却堪羞

徐侯寄示古風為別作三絕句往資一笑

胸中戈甲一敵國筆下篇章萬戶侯龍門隱吏絕人
處百事隨緣莫莫休

禾田莫問湖海士得志付與閭閻兒黃花滿把一尊
酒欲話此意非君誰

久憶瓊糜薦一盃玉延猶費著詩催筠籃不送今年
供應待毗耶遣化來

某與徐侯有卜居村落之約每誦杜子美白
沙翠竹江村路相送柴門月色新之句必相
勸亟歸同饗此樂侯今已遷居浮流僕亦尋
屋一區冀必得之庶幾遂踐舊約之言乎因
作二詩以廣子美之意庚戌六月廿八日

午鳩呼夢覺徐徐細讀牀頭種樹書自教兒童事農
圃更尋何處欲歸愚
莫嘆天涯流落身只今同是耦耕人江村無物相迎
送一味柴門月色新

次韻團練君侯新居二詩

江村結屋老垂垂詩乞橙栽手自移他日南樓看鷗
集莫忘烟雨狎鷗時

一錢未辦買雲山突兀何時屋萬間歲晚投簪來卜
築柴門分占碧孱顏

題蛟鬯小庵二絕

浮塵不到客眉開乞食幽人晚未回相對西山全體

現逢人莫道只空來

鑿破蒼崖俯碧流石碣竹筏艤行舟已邀明月來同

宿下數層瀾寸寸秋

次雪峯二小詩韻

麗日踈烟破小春雙峯秀色一番新要銜天上金雞

粟莫問人間白眼人

同參卷裊卧雲根倒屣相迎月下門大耳識君遊戲

處不應覓酒向前村

宣和乙巳題野人陳氏之館

長安調鼎黑頭公一旦覆餗腰領紅飭稻羨蔬三萬

日爭如且作多田翁

書永和寺壁

曾中一壑本超然投跡塵埃只可憐斗粟累人腰自

折不緣身在督郵前

來解征衣日未斜小軒泉竹兩清華道人法力真無

礙解遣龍孫吐浪花

示僧

清溪淨寫碧嶺岼雨後相携石路乾認取此山嶠絕

影他年何處鉢中看

九日送僧歸龍山

九日相携積翠中勝遊兼有道林同枯顱一任君披
拂寄語龍山落帽風

牛尾狸二首

壓糟玉面天涯見琢雪庖霜照眼明投筋羞顏如甲
厚南山白額正橫行

物生甚美世所忌吹息雪中成禍胎湯帆卯盃頻下
筋江南歸夢打圍來

牡丹花二首

餘芳卷地還春去誰送洛花供眼青沉香亭北真一
夢今見宗支亦典刑

鶴林閨苑兩蕭瑟付與大千沙劫灰尺五城南花濺
淚詩成看鏡覺摧頽

種竹報恩院示僧二首

兩翁來往亦風流還擁紅爐說舊遊夜半南枝三轉
鵲相看更覺此生浮

遠屋風篁夢寐清住山活計幾時成雲根試手聊親
斲安否他年數寄聲

洗兒二首

行年已合識頭顱舊學屠龍意轉踈有子添一助征
戍肯令辛苦更冠儒

舉子三朝壽一壺百年歌好笑掀鬚厭兵已識天公
意不忍回頭更指渠

五言小詩三首

一雨綠南浦波明柳蔭門遙知湔裾處為我一攀翻

散策橋南路

春容最好時夢回花滿眼猶恐是辛夷

又

牛歸坡草煖船繫岸花零白墮尊同卧黃昏月照醒

梅花三首

怕見繁枝不忍攀風色綠浪雪爛斑多情一醉年年

事類及疎英的際間

江梅凌厲千花上一笑春風我有詩白鶴老仙三疊

曲柯人得法是橫枝

孤山居士玉梅句醉客強呼桃杏詩刻畫無益晚西

子法當試我古藤枝

芍藥二首

靈畝珍叢粉自勻日歌薦萼態殊真未成跨鶴腰金

去先醉揚州十里春

已分春光冉冉過奇葩好在奈愁何誰令玉顏紅成

點如意痕深琥珀多

春日二首

一雷驚起籜龍兒，
鱗鱗滿山人未知。
急喚蒼頭斲烟
雨，明朝吹作碧參差。

夢和殘月兩朦朧，
饒舌幽禽苦喚儂。
若說五更春睡
好，絕勝騎馬火城中。

夏夜夢中作

萬頃銀河太極舟，
卧吹橫笛漾中流。
瓊樓玉宇生寒
骨，不信人間有喘牛。

雜小詩八首

身將雙影背閩山，
伴我江南去又還。
欲寄道人簷下

宿此身都未以雲閑，
俗學回頭笑畫脂。
我今羞悔子何疑，
恐輸靈運先成佛。
莫學湯休苦覓詩。

松風十里客襟涼，
路入江南選佛場。
欲問道人三世
事，樓鐘重聽未應忘。

江南風物畧知津，
便覺詩成筆有神。
不向九江看五
老，故應猶未是詩人。

紛紛襍襪久相忘，
只憶僧齋晝夢長。
珍重道人留客
語，君家無此北窻涼。

門外山光萬里濃，
且將寥落共清風。
箇中自有濠梁

意不用磨刀斫眼紅

道人鋤斧得從誰無復當年隻影隨笑我不求千戶

郡坐知成佛更難期

避世山中祇樹亭綠陰遶舍忽青青拋書自笑爬沙

手要挽天河洗甲兵

立春日雷

陌上冬乾泣老農天留甘雨付春工阿香急試雷霆

手莫放人間有卧龍

次韻江謝送花倡酬三首

幽樹團團謝傳家凌寒方澤共驚嗟要知折寄殷勤

意鷓鴣那能病物華

娟娟花竹淨名家閱世夸毗浪怨嗟願挈衆生辭熱

惱知君久學妙蓮華

乘桴何計去浮家學舞空餘短袖嗟自笑繽紛蘭佩

老欲將心迹問重華

寄吳大卿二首

謝公擁鼻憂不免笑閔乞燔東郭顏問訊袖中醫國

手不應長與一筇閑

江村小築興不淺奈有靈山香火緣經世心知焦穀

顛歸耕猶恐度公前

吳山道中三首

滿拂春光一番雨，鬧花如海麥搖波。靜觀物化知如幻，奈此撩人風物何。

春工試手雨初晴，遙見萋萋曲埭青。間道東陂新漲好，來將衰髮照星星。

仙人不奈笑憑愚，來讀萬籤東老書。勸作南窓傍脩竹，時來借榻卧虛除。

三峯康道人墨梅三首

一枝春曉破霜烟，影寫清陂最可憐。衲被犯寒歸吮墨，也知無地着朱鉉。

冰盤青子渴爭嘗，怪有橫枝着意芳。等是豪端幻三昧，更煩覓句為摹香。

細囊墨本入宣和，林下霜晨手自呵。不學霜臺要全樹，動人春色一枝多。
康畫嘗按進又為朱勳畫全樹帳極精

溪上

攀緣雲水試青鞋，待得輕陰漠漠開。興在海山孤絕處，溪邊更復幾回來。
辛亥歲避寇寓長溪龜靈寺壬子春聞建寇未平將携家之福

州度雞嶼洋寓桐江因有此句

送輝雲際二首

三日雨行來，欵關篝燈相語。雪靈山低回，俗裏未能

免只有對君非強顏
詔取芝峯鉢中影要君歸去首重回相思手折寄千里想有南枝迎臘開

九日

點點吳霜入髮毛長安落葉又秋高世間俯仰終難強歸與兒曹且款醪

夜坐

九秋風露浩難平伍子祠南鶴唳清坐聽兒曹談佳事世間更覺忘情

蓼花

長年心事只悠悠衰髮難禁歲月流紅蓼垂垂烟雨裏不應搖落始知秋

桃花

核裏黃泥灑石崖今年繁蕊便爭開遊人要識春多處但覓紅雲逐水來

漁父用兒甥韻

綠蓑青箬一身輕卧看行雲舟自橫米賤魚肥美無度不知東海正掀鯨

送山老住三峯寺

未辦同穿犖确行西風揮手最關情只應勃窣喧卑

裏認得峯頭嘯月聲

鉢中忽見三峯影便覺市廛塵澆人寄語階前石池
水老夫衰髮已盈巾

戲代作送往郎

同攀梅蕊便分携面鴈峯前試綵衣學就浯溪崖上
字鴈回莫遣信音稀

寄范伯達

名籍丹丘號散人何時香火共朝真只應經世平生
意未合歸愚便問津

試筆

老來詩思如焦穀自愧霜毫來故鄉乞與楊家棗心
樣要將掣管試諸郎

篁竹筍

梅雨冥冥稻已齊連雲篁竹暗蠻谿短萌解籜登雕
俎錯落黃金駮裊裊蹄

冬日桃李華

北風日日卷塵沙桃李凌寒強自葩莫作春光流轉
想要知枯枿是狂華

題范才元湘江喚舟圖用李居仁韻

天涯投老鬢驚秋夢想長江碧玉流忽對畫圖指病

眼失聲便欲喚歸舟

題趙守中江行初雪圖

江闊雲垂滿袖風急須下馬一尊同正應無奈催詩
雪句在渠儂擁鼻中

常齋集卷之六





